



Meeqqat atuarianni qanoq ililluni eqqumiitsuliornermik atuartsinermik siuarsaernerup meeqqat atuariannik soqutiginarnerulersitsillunilu atuartut piginnaasaannik qaffassaasinnaanera kiisalu angusanik pitsaanerulersitsisinnanera pillugu apeqquteqaat aallaavigalugu oqallisissiaq. Taaamattaaq qanoq ililluni eqqumiitsuliornermik ingerlaqartut atuartsinermi annertunerusumik atorneqarsinnaanerit ilanngullugu.

(Inatsisartunut ilaasortaq Peter Olsen, Inuit Ataqtigii)

Qujanaq Inatsisartunut ilaasortaq Peter Olsen siunnersuummut.

Demokraatini soqutigisorujussuarput ilisimajuassallugu, qanoq ililluta meeqqat atuariat pitsanngorsarsinnaanerlugu atuartut atugarissaanerit ilinniagaqarnermikkullu pissarsiaasa pitsanngorsarnissaat siunertaralugu. Uani pingaartuuvoq eqqaamassallugu, taakku taaneqartut ataqtigiimmata. Meeqqat atugarissaanngitsut ilinniagassaminnbik pitsaasumik tigooraasinnaanngillat.

Eqqaamassavarput, piumasarisinnaannginnatsigu, meeqqat piffissartik tamaat atuariimmi atussagaat. Sunngiffimmi sammisassat eqqissisimaarnerlu aamma inissaqartariaqarput. Allatut oqaatigalugu, isumaqanngilagut, tiimit atuartsissutit annertusineqassasut massakkut inissisimanitsinni. Taava imaattariaqarpoq, eqqumiitsuliornermik kulturimillu annertunermit ilinniartitsisoqassappat, fagit allat ikilisarneqartariaqassapput.

Ajoraluartumik takuarput, fagini qaffasissuseq tuluttut aamma matematikkimi kissaatigisamit appasinnermik inissisimasoq. Taamaattumik pitsaassanngilaq taakkunani fagini atuartsinerit tiimit apparneqassappata. Taakkulu saniatigut isumaqarpugut, timersornermik eqqumiitsuliornermillu atuartsineq ullumikkornik ukkatarineqarnerusariaqartoq. Tassanilu ajoraluartumik eqqumiitsuliornermik atuartsinerup annertusinissaanut inissaqarpallaanngilaq.

Immaqali allatut iliortoqarsinnaavoq? Immaqa aalajangersimasumik sammisaqarluni ullormut imaluunniit sapaatip akunnerini ingerlanneqarsinnaavoq, eqqumiitsulioriaatsimik aalajangersimasumik ukkataqarluni atuartut nutaalorsinnaanertik ingerlassinnaammassuk. Tassani aamma naleqqutissaaq atuartsinermi eqqumiitsuliorlut akuutinneqarnissaat.

Oqallilluarnissamik neriuuteqarpunga.